

KANTONALNA UPRAVA CIVILNE ZAŠTITE KANTONA Sarajevo, ul. Hamida Dizdara broj 1, 71000 Sarajevo, koju zastupa Samir Džihić, direktor (u daljem tekstu: Kupac),

i
„**HIFA-PETROL**“ **d.o.o. Sarajevo**, ul. Hotonj bb, 71320 Vogošća, koju zastupa Hajrudin Ahmetlić, direktor (u daljem tekstu: Prodavac),

Na osnovu Odluke o izboru najpovoljnijeg ponuđača, broj: 22-44-1411-11/17 od 19.10.2017. godine, zaključili su sljedeći

**OKVIRNI SPORAZUM
O KUPOPRODAJI
„Dizel goriva EURO - DSL EN 590 - EURO 5 i benzina BMB 95 - BAS EN 228
Premium-bezokolovni benzin 95“**

Član 1.

Prodavac je odabran kao najpovoljniji ponuđač za isporuku „Dizel goriva EURO-DSL EN 590-EURO 5 i benzin BMB 95-BAS EN 228 Premium-bezokolovni benzin 95“, na osnovu provedenog Otvorenog postupka javne nabavke - Obavještenje o javnoj nabavci objavljeno u „Službenom glasniku Bosne i Hercegovine“, broj: 70/17 od 29.09.2017. godine, tenderska dokumentacija, broj 22-44-1411-2/17 od 14.09.2017. godine.

Član 2.

Ugovorne stranke su saglasne da Prodavac na osnovu ovog Okvirnog sporazuma isporučuje Kupcu dizel gorivo EURO-DSL EN 590-EURO 5 i benzin BMB 95-BAS EN 228 Premium-bezokolovni benzin 95, na način kako je sadržano u ponudi Prodavca za zaključivanje ovog okvirnog sporazuma, a koja je njegov sastavni dio. Ukupna vrijednost Okvirnog sporazuma bez PDV-a iznosi 127.435,90 KM, odnosno 149.100,00 KM (slovima: jedanaestinačetrestdevethiljadajednastotina KM) sa PDV-om. Popust naveden u Ponudi, broj: JN-3291/17 od 12.10. 2017. godine, u iznosu od 0,13 KM/l je nepromjenjiv za vrijeme trajanja okvirnog sporazuma.

Član 3.

Prodavac se obavezuje da na zahtjev i prema potrebama Kupca, isporučuje dizel gorivo EURO-DSL EN 590-EURO 5 i benzin BMB 95-BAS EN 228 Premium-bezokolovni benzin 95, najkasnije u roku od 72 sata od zaprimljene narudžbe Ugovornog organa.

Član 4.

Kupac će u ugovorenom periodu, za naručenu količinu izvršiti plaćanje po ispostavljenom računu, u roku od 30 (trideset) dana od dana prijema računa i to uplatom na račun Prodavaca, broj: 3385502203296597 otvoren kod UniCredit Bank d.d. Mostar. Isplate će se vršiti sukcesivno u periodu od 36 mjeseci, a na osnovu dokumentacije o isporučenoj robi i ispostavljenim fakturama ovjerenim od strane Kupca sa dostavljenim cjenovnikom po kojem je izvršeno fakturisanje robe. Dokumentacija ispostavljena od strane Prodavca, a na osnovu koje će Kupac izvršiti plaćanje obaveza pored fakture obavezno sadrži i OPC obrazac po kojem je izvršeno fakturisanje iste.

Član 5.

Prodavac je saglasan da Kupcu neće zaračunavati zatezne kamate za zakašnjenje pri plaćanju preko „Trezora“, ako je Kupac u ugovorenom roku predao nalog za plaćanje, a Prodavac primio uplatu s odgodom od jednog ili više dana od ugovorenog roka iz stava 1. ovog člana.

Član 6.

Prodavac se obavezuje da osigura kvalitetu robe u skladu sa važećim standardima i da posjeduje certifikat/potvrdu o kvaliteti isporučene robe izdatu od nadležnog ovlaštenog organa.

Član 7.

Na ostala prava i obaveze ugovornih strana, koja nisu regulisana ovim Okvirnim sporazumom, primjenjivat će se odredbe Zakona o obligacionim odnosima.

Član 8.

Ovaj Okvirni sporazum se zaključuje na period od 3 (tri) godine od dana obostranog potpisivanja i do vrijednosne realizacije Okvirnog sporazuma iz člana 2. ovog Okvirnog sporazuma.

Član 9.

Sporazumne strane mogu raskinuti ovaj Okvirni sporazum i prije njegove same realizacije ukoliko se jedna od strana ne bude pridržavala njegovih odredbi, uz prethodno izmirenje svih obaveza utvrđenih po ovom sporazumu. Otkazni rok po ovom Okvirnom sporazumu je 15 (petnaest) dana, a po isteku ovog roka, Okvirni sporazum se smatra raskinutim, a o otkazu sporazumne stranke se obavještavaju pismenim putem.

Član 10.

Ugovorne stranke su saglasne da je u slučaju spora po osnovu ovog Okvirnog sporazuma nadležan sud u Sarajevu.

Član 11.

Ovaj Okvirni sporazum je sačinjen u 4 (četiri) istovjetna primjerka od kojih svaka strana zadržava po 2 (dva) primjerka.

Član 12.

Ugovorne stranke su saglasne da su ovaj Okvirni sporazum pročitale i razumjele, te ga u znak saglasnosti potpisuju.

ZA PRODAVCA

DIREKTOR

M.P. _____
Hajrudin Ahmetlić

Broj: 1240/17.

Sarajevo, 05.12.2017. godine

ZA KUPCA

DIREKTOR

M.P. _____
Samir Džihic

Broj: 22-44-1411-20/17

Sarajevo, 05.12.2017. godine